

*S. angustifolia elatior pannonica* IV. *Clus. hist.* 2. p. 139.

In pascuis montosis auf dem Schächtberge bei Rofsleben: in apricis montibus der Steinklippe in der Nähe des Winzerhäuschens. Jun. Jul.

*Sc. rosea* *Waldst. et Kit. pl. rar. hung.* 2. p. 127. t. 121. discrepat: caule unifloro, foliis radicalibus lanceolato-linearibus planis, latioribus corollisque roseis. Talis vero apud nos, quantum scio, non provenit, est igitur ex *flor. hal.* (p. 272.) delenda et ejus loco *Sc. purpurea* inserenda, quae foliis radicalibus caulinisque lineari-filiformibus versus apicem nonnunquam paullo latioribus canaliculatis et floribus purpureis ab illa est dignoscenda.

179. SONCHUM OLERACEUM, quoad foliorum formam mire variare, inter omnes constat botanicos recentioris et prisci etiam temporis: In colligendis autem ejus varietatibus, *S. oleraceum* seminibus certius distinguendum et in duas species dispescendum esse, primus didici:

a. SONCHUS OLERACEUS, pedunculis demum nudis, foliis runcinato-lyratis amplexicaulibus integrisve, seminibus margine dorsoque transversim scabris.

In agris, cultis oleraceis uberrime.

*S. arvensis* eadem semina habet sed majora.

† b. SONCHUS FALLAX *Wallr.* pedunculis calycibusque demum nudis, foliis amplexicaulibus ovato-oblongis laciniatis eroso-dentatis runcinatisque, seminibus utrinque glabris tristriatis.

In iisdem cum prioribus locis, sed minus frequens.

Omnes partes utriusque ludicrae sunt et limitibus fere non describendae, semina tamen constantia esse videntur.